

Baibuli y'Abaana  
yaaza kukworeka

Okuzaarwa  
kwa Yesu



Ekahandiikwa: Edward Hughes

Ebishushani bikateerwa: M. Maillot

Ekateekateekwa: E. Frischbutter; Sarah S.

Ekahindurwa: Z. Kabaza



Ekashohozibwa: Bible for Children  
[www.M1914.org](http://www.M1914.org)

©2013 Bible for Children, Inc.



Noobasa kukopoorora nari okuteera omu  
kyoma akatabo k'ebigambo ebi, kwonka  
torikwikirizibwa kukatunda.





Ira munonga, Ruhanga  
akatuma Maraika  
Gaburieli aha mwishiki  
oshugaine ...




... Omuyudaaya  
orikwetwa Mariamu,  
yaamugira ati:



"Oryazaara omwana  
w'omwojo, omwete  
eiziina Yesu.



Aryayetwa Omwana  
wa Rukira-boona,  
kandi obukama bwe  
tiburihwaho".



Omwishiki yaatangaara,  
yaabuuza ati: "Ekyyo  
kiryabaasika kita,  
ka ntaine  
mushaija?"



Maraika yaamugira  
ati omwana aryaruga  
ahari Ruhanga,  
tarigira ishe  
omuntu.





Atyo maraika yaagambira  
Mariamu ku muhara waabo  
Elizaabeesi aine  
enda y'omwana  
w'omwojo omu  
bukaikuru  
bwe.



Eki nakyo kikaba kiri  
eky'okutangaaza.

Ku haahingwireho  
ebiro bikye,

Mariamu  
yaataayayira  
Elizaabeesi;  
bombi  
baahimbisa

Ruhanga.




Mariamamu akaba  
naagambwa  
obugyenyi  
omushaija  
orikwetwa  
Yosefu.



Kikasaasa  
Yosefu ku  
yaahuriire  
ngu  
Mariamu  
aine enda,  
yaateekateeka  
ngu n'ey'ondiijo  
mushaija.



Kwonka maraika wa Ruhanga  
yaagambira Yosefu omu  
kirooto ku enda yaabaire  
eri ey'Omwoyo Orikwera,  
kandi ku Omwana yaabaire  
ari Omwana wa  
Ruhanga.



Yosefu akaba naija  
kukwatsa Mariamu  
okworora Yesu.



Yosefu akeesiga Ruhanga,  
yaamworobera  
kandi akoorobera  
ebiragiyo



by'eihanga rye.



Ku haabaireho ekiragiho kisyu, we  
na Mariamu baaza  
omu rurembo  
rwabo,



Betelehemu, kuha omushoro.





Mariam  
akaba ari haihi  
n'okuzaara; ...





... beitu Yosefu  
taratungireyo  
mwanya, ahakuba  
enju  
z'abagyenyi  
zoonna

zikaba  
ziijwire.



Bwanyima yaareeba enju y'amatungo,  
omwo nimwo Yesu  
yaazaariirwe  
omu  
kaato.



Haihi na Beetelehemu hakaba hariyo  
abariisa omu ishwa  
abaabaire  
nibarinda  
amasyo  
gaabo.



Maraika wa Ruhanga yaija  
yaabagambira amakuru  
ag'okutangaaza.



"Omu juni ya abazarirwa omu rurembo  
rwa Daudi, niwe Kristo  
Mukama waitu.



Nimwija kushanga omwana  
w'omwereere abyamiibwe  
omu kihongore".



Ahonaaho baamaraika  
baingi baija, ...





... baayeshongora hamwe na  
maraika ogwo  
nibahimbisa



Ruhanga,  
nibagira  
bati:



"Ruhanga aheebwe ekitiinisa  
ahaiguru omu iguru, ...



... n'omu nsi obusingye  
bugirwe abantu abu  
ashemerereirwe



munonga''.



Abariisa  
baagyenda  
nibeehuuta.



Ku baareebire omwereere,  
baagambira boona ebi  
maraika yaagambire ahari  
Yesu.





Bwanyima y'ebiro  
makumi ana,  
Yosefu na  
Mariamu  
baatwara Yesu  
omu hekaalu,  
Yerusaalemu.





Hakaba hariyo  
omugurusi, eiziina  
rye Simeoni,  
yaakiikira  
Omwana,  
yaahimbisa  
Ruhanga; ...



... kandi we omukaikuru  
Anna, owaabaire  
atuuramu  
naaramya  
Ruhanga,  
yaasiima  
Mukama.







Bombi bakaba  
nibamanya ku  
Yesu yaabaire  
ari Omwana wa  
Ruhanga, ...



... Omujuni  
owaaraganisiibwe.





Yosefu akatamba  
obwiba bubiri,  
Ekitambo eki  
abooro baabaire  
baaha nk'oku  
Ruhanga  
yaaragiire,  
baareeta  
omwana  
kumumurika  
omu maisho ge. 

Bwanyima  
enyonyoozi  
etari y'obutoosha  
ekeebembera

Abanyabwengye  
abaarugire  
oburugwa-izooba  
baaza Yerusalemu.



Baabuza  
bati:

"Omugabe  
w'Abayudaaya ozairwe  
ari nkahi? Nitwenda  
kumuramy".



O mugabe Heroode  
ku yaakihuriire,  
yaayemereza  
omutima, yaagira  
Abanyabwengye  
ati:



"Naanye ninyenda  
kumuramy. Ku  
muraamureebe,  
mwije  
mungambire".



Kwoka akaba  
naabeiha,  
ahakuba  
akaba  
naayenda  
kwita Yesu.







Enyonyoozi egyo ekeebembera  
Abanyabwengye  
yaabahitsya aha nju  
omu Mariamu na  
Yosefu  
n'Omwana  
baabaire  
bari.





Baatsimba amaju,  
baaramya Yesu,  
baamuha ebiconco  
by'ezaabu  
n'eby'emigaju.




Ruhanga akahabura  
Abanyabwengye,  
baatoora ogundi  
muhandanda okugaruka  
owaabo.



Herroode atyo  
yaakwatwa  
ekiniga kingi.



Ahakuba akaba  
amaririire kwita  
Yesu, yaita abaana  
b'aboojo boona  
abaabaire  
bari



Betelehemu.





Kwonka  
Herode akaba  
atarikubaasa  
kugira eki  
yaakora  
Omwana wa

Ruhanga.






Ruhanga  
akareebekyera  
Yosefu,  
yaamuhabura  
kutwara  
Mariamu na  
Yesu,

bahungire  
Misri.



Herroode ku  
yaafiire,



Yosefu yaiha  
Mariamu na Yesu Misri, ...





... baagyenda  
baatuura  
Nazareesi,



haihi n'enyanja Galilaaya.



Okuzaarwa kwa Yesu

Ebi biihirwe omu Kigambo kya  
Ruhanga, Baibuli

bishange omu

Matayo 1-2 na Luka 1-2

"Ebigambo byawe ku bishuuruurwa bireeta  
omushana." Zaaburi 119:130



Omuheru



Ebigambo by'omu Baibuli ebi nibitumanyisa  
Ruhanga waitu owaatuhangire, kandi  
naayenda tumumanye.

Ruhanga naamanya ku turi abasiisi, nitukora  
ebibi. Ebihembo by'ekibi n'okufa, kwonka  
Ruhanga naatukunda munonga, nikyo  
yaayohereze Omwana we, Yesu,  
kukufeera aha musharaba akafubirwa  
ahabwa ebibi byawe. Kwonka Yesu akazooka  
yaagaruka omu Iguru. Ku orikumwikiriza,  
waamushaba akusaasire, naija kukusaasira  
ebibi byawe. Naija omuriwe hati, naiwe  
nooba omuriwe.



Ku oraabe noikiriza  
eki, gambira Ruhanga oti:  
Ai Yesu, niinyikiriza ku ori Ruhanga, kandi  
ku waahindukire omuntu okafa ahabw'ebibi  
byangye, okazooka; hati ori ohuriire.  
Ninkushaba otaahe omu magara gangye  
onsaasire ebibi byangye ntungye amagara  
masya hati, bwanyima nyije ntuure naiwe  
ebiro byona. Nkwatsa ngume nkworobere  
kandi ntwaze gye nk'omwana  
waawe. Amiina.

Shoma Baibuli ogambe na Ruhanga buri  
izooba. Yohaana 3:16

